

17.25 CUNTRASTS SIN SRF 1

Tranter bun e nausch – la lavur da la polizia ozendi



Violenza a chasa, enguladitsch ed in mortori tragic – cun talas situaziuns vegnan Selina Fanzun, Flavian Bearth e Daniel Rühl confruntads durant lur scolaziun da polizia. En in «reality training» surprendan acturas ed acturs las rollas dals per-tutgads. En l'acziun quasi reala han ils dus aspirants e l'aspiranta d'intervegnir e d'intermediar. Dudesch cameras transmettan lur agir directamain en la stanza da scola tar lur collegas. Lezs han da giuditgar l'acziun dals collegas en in servetsch fictiv. Tals trenaments fan part ozendi da la scolaziun da policists e policistas. Adina dapli ed adina pli intensiv ha la polizia ozendi era da s'occupar cun la criminalitad en la rait, il cybercrime. Il film «Tranter bun e nausch – la lavur da la polizia ozendi» da Menga Huonder-Jenny dat invistas en las novas sfidas da la polizia.